

Akashvani, Sambalpur

SAMBALPURI NEWS EVENING BULLETIN

26 March 2024- 7.02 pm- 7.12 pm.

୧- ଖରାର ତାତିକେ ନଜରୁଥୁ ରଖିକରି ଭାରତର ନିର୍ବାଚନ ଆୟୋଗ- ରାଜ୍ୟ ନିର୍ବାଚନ ଅଧିକାରୀମାନଙ୍କୁ ଜାରି କଲେ ନିର୍ଦ୍ଦେଶନାମା ।

୨- ପୁରୀ ଶ୍ରୀମନ୍ଦିର ନ ଆସବା କାଏଲ ଶ୍ରୀଜୀଉମାନଙ୍କର ହେବା ବନକଲାଗି ନୀତି ।

୩- ଉତ୍ତନାକିଥି ପାଲନ୍ କରାଗଲା ରଙ୍ଗ ଆର ଫଗୁର ପରବ୍ ହୋଲି ।

ଆଉର

୪- ଚୈତ୍ର ମାସର ପହିଲି ମଙ୍ଗଳବାର ଆସନ୍ତାନ୍ତୁ ରାଜ୍ୟର ଭିନ୍ ଭିନ୍ ଦେବୀପୀଠମାନଙ୍କେ ମୁଲ୍ ହେଲା ପୂଜାପାଠ୍ ।

କଟକ

ଖରାର ତାତିକେ ନଜରଥୁ ରଖିକରି ସବୁ ରାଜ୍ୟ ଆର କେନ୍ଦ୍ର ଶାସିତ ଅଂଚଳମାନଙ୍କେ ନିର୍ବାଚନ ଆୟୋଗ ପରାମର୍ଶ ଦେଇଛନ୍ । ଚଳିତ ମାସକୁ ଆସବା ଜୁନ୍ ମାସ ଭିତରେ ଖରାର ତାତି ବଢ଼ିବା ବଳି ପାଣିପାଗ ବିଭାଗ ଅନୁମାନ କରିଛେ । ଇତାକେ ନଜରଥୁ ରଖିକରି ନିର୍ବାଚନ ଆୟୋଗ-ଜାତୀୟ ବିପର୍ଯ୍ୟୟ ପରିଚାଳନା କର୍ତ୍ତୃପକ୍ଷକୁ ନିର୍ଦ୍ଦେଶନାମା ଜାରି କରିଛେ । ମଧ୍ୟାହ୍ନ ୧୨ ବଜେକୁ ଦୁଇପହର ୩ ବଜେତକ୍ ବାହାରକେ ନାହିଁ ବାହାରବାର ଲାଗି ନିର୍ଦ୍ଦେଶନାମା କୁହାଯାଇଛେ । ଇତାରସହେତେ ଲୋକମାନଙ୍କୁ ଜହ ପାଏନ୍ ପିଇବାର ଲାଗି ଆର ବାସି ଖାନା ନାହିଁ ଖାଏବାର ଲାଗି ପରାମର୍ଶ ଦେଇଛନ୍ । ସବୁ ଭୋଗ୍ ଗ୍ରହଣ୍ କେନ୍ଦ୍ରମାନଙ୍କେ ପିଇବାର ପାଏନ୍ ଆର ଛଏଁରା ବ୍ୟବସ୍ଥା କରବାର ଲାଗି ସବୁ ରାଜ୍ୟ ଆଉ କେନ୍ଦ୍ରଶାସିତ ଅଂଚଳର ନିର୍ବାଚନ ଅଧିକାରୀମାନଙ୍କୁ ନିର୍ଦ୍ଦେଶ୍ ଜାରି କରାଯାଇଛେ ।

କଟକ

୨୦୨୪ ସାଧାରଣ ନିର୍ବାଚନ ଫହିଲା ଭୋଟର ମାନକର
 ଭିତରେ ତହିଁକ ବଢ଼ାବାର ଲାଗି ନିର୍ବାଚନ କମିସନ୍ ତରଫୁ
 ବନିହାଁ ବ୍ୟବସ୍ଥା କରାଯାଇଛେ । ଇ ହିସାବେ ରାଏଜେ ୪
 ହଜାରଟା ବୁଥ ପରିଚାଳନା ଲାଗି ମହିଲା ମାନକୁ ନିୟୋଜିତ
 କରାଯିବା ବଳି କମିସନ ତରଫୁ କୁହାଯାଇଛେ । ସେନ୍ତା ୭ ଶହ
 ମତଦାନ କେନ୍ଦ୍ରର ପରିଚାଳନା ଦାୟୀତ୍ବ ଉଭୟ ପୁରୁଷ ଆର
 ମହିଳାମାନେ ରହିଥିବାର ବେଳେ
 ୭ ଶହଟା ଆଦର୍ଶ ମତଦାନ କେନ୍ଦ୍ର ଚିହ୍ନଟ୍ କରାଯାଇଛେ । ଫି
 ଜିଲ୍ଲାଥୁ କମସେ କମ୍ ୨୦ ପ୍ରତିଶତ ଆଦର୍ଶ ମତଦାନ କେନ୍ଦ୍ର
 ରହେବା ଆର ଇସବୁ ବୁଥକେ ଯୁଆନ୍ ପିଡ଼ି ଆଉ ଦିବ୍ୟାଳାମାନେ
 ପରିଚାଳନା କରବେ ବଳି କମିସନ ତରଫୁ କୁହାଯାଇଛେ ।
 ସେନ୍ତା ମହିଲା ଭୋଟରମାନକୁ ତହିଁକାବାର ଲାଗି ଫି ଜିଲ୍ଲାଥୁ
 ୧୦ ପ୍ରତିଶତ ସଖୀ ବୁଥ ଥାପନା କରାଯିବା ବଳି ନିର୍ବାଚନ
 କମିସନ ସୁଚନା ଦେଇଛନ୍ । ଗଲା ୨୦୧୯ ସାଧାରଣ
 ନିର୍ବାଚନଥୁ, ଯେନ୍ ସବୁ ବୁଥ ମାନକୁ ମହିଲା ମତଦାତା
 ହାର କମ ଥିଲା, ସେନ୍ତା ଯାଗାମାନକେ ସଖୀ ବୁଥ ଥାପନା
 କରାଯିବା ବଳି କମିସନ ତରଫୁ ସୁଚନା ଦିଆଯାଇଛେ ।
 ହେନ୍ତା ବୁଥମାନକେ ନିୟୋଜିତ୍ ମହିଲା କର୍ମଚାରୀମାନେ
 ରାଜ୍ୟ ହସ୍ତତନ୍ତ ପୋଷାକ୍ ପିନ୍ଧବେ ।

ସି- ଭିଜିଲ୍ ଆପ୍ ଜରିଏ ନିର୍ବାଚନ ପ୍ରକ୍ରିୟା ଉପରେ ନିର୍ବାଚନ ଆୟୋଗ କଡ଼ା ନଜର ରଖୁଛନ୍ । ଆଦର୍ଶ ଆଚରଣ ବିଧି ଉଲ୍ଲଙ୍ଘନ ରେକର୍ଡ଼, ରିପୋର୍ଟ ଆର୍ ସମାଧାନ ଲାଗି ଇ ଆପ୍ କାମ୍ କରୁଛେ । ଇ ଆପ୍ ଜରିଏ ଫଟୋ, ଭିଡ଼ିଓ ଉଠେଇକରି ଆଦର୍ଶ ଆଚରଣ ବିଧି ଉଲ୍ଲଙ୍ଘନ ବାବ୍ଦେ ଜନାବାର୍ ଲାଗି ନିର୍ବାଚନ କମିଶନ୍‌ଙ୍କର୍ ସି- ଭିଜିଲ୍ ଆପ୍ ଲୁକ୍କର ଲାଗି ଗୁଟେ ପ୍ରଭାବଶାଳୀ ଅସ୍ତ୍ର ପାଲଟିଛେ । ନାଗରିକମାନେ ଆପ୍ ଜରିଏ ଆଦର୍ଶ ଆଚରଣ ବିଧି ଉଲ୍ଲଙ୍ଘନ ଆର୍ ଖର୍ଚ୍ଚ ଉଲ୍ଲଙ୍ଘନ ବାବ୍ଦେ ରିପୋର୍ଟ କରିପାର୍ବେ । ମୁଖ୍ୟ ନିର୍ବାଚନ କମିଶନ୍ ରାଜୀବ୍ କୁମାର୍ କହିଛନ୍ ଯେ, ସି- ଭିଜିଲ୍ ଆପ୍ ନାଗରିକମାନ୍କୁ ଆଦର୍ଶ ଆଚରଣ ବିଧି ଉଲ୍ଲଙ୍ଘନ ବିଷେଥ୍ ଜନାବାର୍ ଲାଗି କ୍ଷମତା ଦେଇଛେ । ଆପ୍ ଜରିଏ ରିପୋର୍ଟ ଦେବାର୍ ଶହେ ମିନିଟ୍ ଭିତ୍ରେ କମିଶନ୍ କାର୍ଯ୍ୟାନୁଷ୍ଠାନ ଗ୍ରହଣ୍ କର୍ବା ବଳି ମୁଖ୍ୟ ନିର୍ବାଚନ କମିଶନ୍ କହିଛନ୍ ।

ବନକଲାଗି ଆରଏନ୍‌ୟୁ/ କଟକ୍

ଚୈତ୍ ମାସର୍ ଅକ୍ଟୋବର୍‌ସର୍ ଦୁତିଆ ତିଥିଥ୍ ଆଏବା କାଏଲ୍ ଶ୍ରୀବିଗ୍ରହମାନ୍କର୍ ବନକଲାଗି ନୀତି ହେବା । ଇଥିରଲାଗି ୨ ନମ୍ବର୍ ଭୋଗମଣ୍ଡପ୍ ଭୋଗ ଶେଷ୍ ହେବାର୍ ଉତ୍ତରୁ

ବେଲ୍‌ବୁଡ଼ାର ୬ ବଜେନୁ ରାତି ୧୦ ବଜେତକ୍
ମାହାପୁରୁମାନଙ୍କର ଦର୍ଶନ ବନ୍ଦ ରହେବା ।
ଶ୍ରୀଜୀଉମାନଙ୍କର ଶ୍ରୀମୁଖ ଶୃଙ୍ଗାର ସହେତେ ବନକଲାଗି
ଗୁଡ଼େ ଗୁପ୍ତ ନୀତି ହେଇଥିବାରୁ ଇ ସମିଆଥି ଗର୍ଭଗୃହର
ସବୁ କବାଟ ବନ୍ଦ ରହେବା । ୨ ନମ୍ବର ଭୋଗ ମଣ୍ଡପ
ଉତ୍ତରୁ ଦତମହାପାତ୍ର ସେବକମାନେ ଗର୍ଭଗୃହକେ ପ୍ରବେଶ
କରବେ ଆର ବନକଲାଗି ହେବା । ବନକଲାଗି ଉତାରୁ
ମହାପ୍ରଭୁଙ୍କର ମହାସ୍ନାନ ନୀତି କରାଯିବା ଆର ତାର୍‌ପରେ
ଶ୍ରୀବିଗ୍ରହମାନେ ଶ୍ରଦ୍ଧାଲୁମାନଙ୍କୁ ଦର୍ଶନ ଦେବେ ।

ଫାଷ୍ଟଟ୍ୟାଗ

ଆରଏନ୍‌ୟୁ / ସମ୍ବଲପୁର

ଗାଡ଼ିମାନଙ୍କେ ଲାଗିଥିବା ଫାଷ୍ଟଟେଗ୍‌କେ ବେଙ୍ଗ୍ ସହେତେ
କେଡ଼ାଇସି ନାହିଁ କରିଥିଲେ ୩୧ ମାର୍ଚ୍ଚ ଉତାରୁ ସେଟା ବନ୍ଦ
ହେଇଯିବା । ଫାଷ୍ଟଟେଗ୍‌ଥି ବେଲେନ୍‌ସୁ ଥିଲେ ଭିଲ୍ ଆଉ କାମ୍
ନାହିଁକରେ । ରିଜର୍ଭ ବେଙ୍ଗ୍ ଅପ୍ ଇଣ୍ଡିଆର ନିୟମ୍ ଅନୁସାରେ
ଫାଷ୍ଟଟେଗ୍ ପ୍ରକ୍ରିୟା ପୁରା କରବାର ଲାଗି ଭାରତୀୟ ଜାତୀୟ
ରାଜପଥ କର୍ତ୍ତୃପକ୍ଷ - ଏନ୍.ଏର୍.ଏ.ଆଇ ତରଫୁ କୁହାଯାଇଛେ ।
ଗାଡ଼ି ପଞ୍ଜିକରଣ ପ୍ରମାଣପତ୍ର, ପରିଚୟ ପତ୍ର ସହେତେ ଠିକଣା
ପ୍ରମାଣପତ୍ର ଦେଇକରି ଫାଷ୍ଟଟେଗ୍ ବେଭାରକାରୀମାନେ

ଅନୁଲାଇନ୍ ଆର ଅଫ୍‌ଲାଇନ୍ ଜରିଏ କେଝାଇସି ଅପ୍‌ଡେଟ୍ କରିପାରବେ ।

ଇନ ଜନେଇ ଦିଆଯାଇପାରେ ଥରେ ଲଗାଯାଇଥିବା ପାଞ୍ଜିଟେଗ୍ ଷ୍ଟିକର୍ ୫ ବରସ୍‌ତକ୍ କାମ୍ କରସି ତାର ଉତ୍ତରୁ ଫେରଘାଏ କେଝାଇସି ଅପ୍‌ଡେଟ୍ କରିକରି ଷ୍ଟିକର୍ ବଦଳାବାରକେ ପଢ଼ସି ।

ପେନ୍‌ସନ୍ ଲାଗି ନୂଆଁ ନିୟମ୍ ଆରଏନ୍‌ୟୁ / ସମ୍ବଲପୁର

ଆଏବା ଏପ୍ରିଲ୍ ୧ ତାରିଖ୍‌ନୁ କେନ୍ଦ୍ର ଆଉ ରାଜ୍ୟ ସରକାରୀ ପେନ୍‌ସନ୍‌ଭୋଗୀ ମାନ୍‌କର୍ ଲାଗି ପେନ୍‌ସନ୍‌ଥ୍ ନୂଆଁ ନିୟମ୍ ଲାଗୁ ହେବା ବଳି ପେନ୍‌ସନ୍ ପଞ୍ଚ ରେଗୁଲେଟୋରୀ ଏଣ୍ଡ ଡେଭଲପ୍‌ମେଣ୍ଟ୍ ଅଥରିଟି ଜନେଇଛନ୍ । ନେସ୍‌ନାଲ୍ ପେନ୍‌ସନ୍ ସିଷ୍ଟମ୍‌ଥ୍ ସୁରକ୍ଷା ଲାଗି ଇ ନୂଆଁ ନିୟମ୍ ଲାଗୁ ହେବା । ଏପ୍ରିଲ୍ ୧ ତାରିଖ୍‌ନୁ ନୂଆଁ ଆର ଜୁନ୍‌ହା ସବୁ ପେନ୍‌ସନ୍‌ଭୋଗୀମାନେ ତୁ ଫେକ୍ଟର୍ ଅଥେଟିକେସନ୍ - ଦୁଇଥାକିଆ ପ୍ରମାଣିକରଣ୍ ଉପଯୋଗ୍ କରିକରି ଏନ୍‌ପିଏସ୍ ସିଷ୍ଟମ୍‌ଥ୍ ଲଗ୍‌ଇନ୍ କରିପାରବେ । ଇଥୁ ଭିନ୍ ଭିନ୍ ସାଇବର୍ ଆଉ ଅନୁଲାଇନ୍ ଠକେଇକେ ରୁକାଯାଇପାରବା ।

ପୂର୍ବତଟ ରେଲ୍‌ପଥ- ମାଲ୍ ପରିବହନ ଆରବନ୍ଦୁ /
ସମ୍ବଲପୁର

ପୂର୍ବତଟ ରେଲ୍‌ପଥ ୨୦୨୩-୨୪ ଆର୍ଥିକ୍ ବଛରେ ମାଲ୍ ପରିବହନ କ୍ଷେତ୍ରଥୁ ବଡ଼ଭାରୀ ସଫଳତା ହାସଲ୍ କରିଛେ । ୧ ଏପ୍ରିଲ୍ ୨୦୨୩ ନୁ ୨୫ ମାର୍ଚ୍ଚ ୨୦୨୪ ଭିତ୍ରେ ପୂର୍ବତଟ ରେଲ୍‌ପଥ ୨ ଶହ ୫୦ ନିୟୁତ ଟନ୍ ମାଲ୍ ପରିବହନ୍ କରିକରି କିର୍ତ୍ତିମାନ୍ ଥାପନା କରିଛେ । ଲଗାତାର ୫ ଥର୍ ଲାଗି ୨ ଶହ ମିଲିୟନ୍ ଟନ୍ ମାଲ୍ ପରିବହନ୍ କରିକରି ପୂର୍ବତଟ ରେଲ୍‌ପଥ ପହେଲା ଜୋନ୍ ହେଇପାରିଛେ । ପୂର୍ବତଟ ରେଲ୍‌ପଥ ଅଧୀନ୍ଥୁ ଥୁବା ତିନ୍ହି ରେଲ୍‌ମଣ୍ଡଲ୍ ଭଲ୍ କାମ୍ କରିଥୁବାରନ୍ତୁ ଇ ଲକ୍ଷ୍ୟ ହାସଲ୍ ହେଇପାରିଛେ ବଲି ପୂର୍ବତଟ ରେଲ୍‌ପଥର ମହାପ୍ରବନ୍ଧକ ମନୋଜ ଶର୍ମା କହିଛନ୍ । ଭିନ୍ ଭିନ୍ ପ୍ରତିକୂଳ ପରିସ୍ଥିତି ଥୁଲେ ଭିଲ୍ ସରକାରୀ ସହଭାଗିତା ଆର୍ ଶିକ୍ଷାନୁଷ୍ଠାନ୍ ମାନ୍କର୍ ସହେତେ ସଠିକ୍ ଯୋଜନା ଆର୍ ତାଲ୍ମେଲ୍ ଲାଗି ପୂର୍ବତଟ ରେଲ୍‌ପଥ ବଡ଼ିଆଁ ପ୍ରଦର୍ଶନ୍ କରିଛେ ଆର୍ ଇ କିର୍ତ୍ତିମାନ୍ ହାସଲ୍ କରିପାରିଛେ ବଲି ଶ୍ରୀ ଶର୍ମା କହିଛନ୍ ।

ହୋଲି ଆରବନ୍ଦୁ/ ସମ୍ବଲପୁର/ ସୁବର୍ଣ୍ଣପୁର/ ନୂଆପଡ଼ା

ରାଜ୍ୟର ଭିନ୍ ଭିନ୍ ଜାଗା ନ ରଙ୍ଗ ଆର ଫଗୁର ପରବ୍ ହୋଲି ପାଲନ୍ କରାଯାଇଛେ । ରାଷ୍ଟ୍ରପତି ଦ୍ରୌପଦୀ ମୁର୍ମୁ ଆର ଉପ ରାଷ୍ଟ୍ରପତି ଜଗଦୀପ୍ ଧନ୍ୟାଡ଼୍ ଇ ଅବ୍ସରେ ଦେଶ୍‌ବାସୀଙ୍କୁ ଶୁଭେଚ୍ଛା ଜନେଇଛନ୍ । ରାଷ୍ଟ୍ରପତି ଶ୍ରୀମତୀ ମୁର୍ମୁ କହିଛନ୍ ଯେ, ହୋଲି ପରବ୍ ଲୋକ୍ମାନକର ଭିତ୍ରେ ସଦ୍‌ଭାବନା ଆନିଥିସି ଆର ପ୍ରେମ, ପ୍ରୀତି ଆଉ ଭାଇଚାରା ବଢ଼ାସି । ଉପ ରାଷ୍ଟ୍ରପତି ଜଗଦୀପ୍ ଧନ୍ୟାଡ଼୍ କହିଛନ୍ ହୋଲି ପରବ୍ ଭାଇଚାରା ବଢ଼ାବାର୍ ସହେତେ ଲୋକ୍ମାନକର ଭିତ୍ରେ ପ୍ରେମ ଆର ଶ୍ରଦ୍ଧାର ପ୍ରଚାର୍ କରିଥିସି । ଇ ଅବ୍ସରେ ସେ ଦେଶ୍‌ବାସୀଙ୍କର୍ ଲାଗି ସୁଖ ଆଉ ସମୃଦ୍ଧି କାମନା କରିଛନ୍ । ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ହୋଲିର ଶୁଭକାମନା ଜନାବାର୍ ସହେତେ ଇ ପାରମ୍ପାରିକ୍ ପରବ୍ ସମ୍ବନ୍ଧର୍ ଜୀବନ୍ଥୁ ନୁଆଁ ଉସାହ ନେଇକରି ଆସୁ ବଲି କହିଛନ୍ ।

ରାଜ୍ୟପାଲ୍ ରଘୁବର୍ ଦାସ ରାଜ୍ୟବାସୀଙ୍କୁ ହୋଲି ପର୍ବର୍ ଅଭିନନ୍ଦନ୍ ଜନେଇଛନ୍ । ସୋସିଆଲ୍ ମିଡ଼ିଆଥୁ ବାର୍ତା ଦେଇକରି ଆନନ୍ଦ ଆର ଉଲ୍ଲାସ୍ ପର୍ ପବିତ୍ର ହୋଲି ଅବ୍ସରେ ରାଜ୍ୟବାସୀଙ୍କର୍ ମଙ୍ଗଲ୍ କାମନା କରିଛନ୍ । ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ସାମାଜିକ୍ ଗଣମାଧ୍ୟମ୍ ଏକ୍ସ୍ କହିଛନ୍ ‘ରଙ୍ଗ ଆର ଭାଇଚାରାର୍ ପର୍ବ୍ ହୋଲି ଅବ୍ସରେ ସମ୍ବନ୍ଧୁ ମୋର୍ ହାର୍ଦ୍ଦିକ୍ ଶୁଭେଚ୍ଛା ଆର ଅଭିନନ୍ଦନ୍ । ରାଧାଗୋବିନ୍ଦଙ୍କର୍ ଆଶିର୍ବାଦ୍ନୁ ସମ୍ବନ୍ଧର୍ ଜୀବନ୍ ସୁଖ ଶାନ୍ତି ଥୁ ଭରିଯାଉ ବଲି କହିଛନ୍ ।’

ସୁବର୍ଣ୍ଣପୁର ଜିଲ୍ଲା ନ ହୋଲି ଅବସରେ ଲୁକେ ରଙ୍ଗ ମଖାମଖା ହେବାର ସହେତେ ଶୁଭେଚ୍ଛା ଆର ଅଭିନନ୍ଦନ ଦିଆନିଆ କରିଛନ୍ । ଜିଲ୍ଲାର ଭିନ୍ ଭିନ୍ ଦୋଳ ମେଳଣ ପଡ଼ିଆ ନ ହରିହର ଭେଟ୍ ସହେତେ ସୁସଜ୍ଜିତ ବିମାନୁ ବିଜେ ହେଇଥିବା ରାଧାକୃଷ୍ଣଙ୍କର ଯୁଗଳ ମୂର୍ତ୍ତିକେ ଶ୍ରଦ୍ଧାଲୁମାନେ ଦର୍ଶନ କରିଛନ୍ । ଦେଉଁ ଶହ ବଛରର ଜୁନ୍‌ହା ପରମ୍ପରାକେ ନେଇକରି ବୀରମହାରାଜପୁର ଠାନ୍ ୧୬ ଟା ଗାଁନୁ ଆସିଥିବା ହରି ଆର ହରଙ୍କର ଦୁର୍ଲଭ ଭେଟ୍‌କେ ହଜାର ହଜାର ଲୋକ୍ ଦର୍ଶନ କରିଛନ୍ ।

ନୂଆପଡ଼ା ଜିଲ୍ଲା ନ ରଙ୍ଗର ପରବ୍ ଏକତା , ମୈତ୍ରୀ ଆର ମିଳନର ପର୍ ଭାବେ ଉତ୍ସନାକିଥି ପାଲନ୍ କରାଯାଇଛେ । ଜିଲ୍ଲାର ଖଡ଼ିଆଲ୍ ନ ଭିଲ୍ ହୋଲି ପରବ୍ ଧୁମ୍‌ଧାମ୍‌ଥ ମନାହେଇଛେ ବଲି ସୁର୍ନା ମିଲିଛେ ।

ହୀରାକୁଦ୍ ଡାଇରିଆ-କେନ୍ଦ୍ରମନ୍ତ୍ରୀ ଆର୍ଏନ୍‌ୟୁ/ କଟକ୍

କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ୍ ଆଏଜ୍ ହୀରାକୁଦ୍ ଡାଇରିଆ ଆକ୍ରାନ୍ତ ଚିହ୍ନଟ୍ ହେଇଥିବା ଅଂଚଳ୍‌କେ ଗସ୍ତ କରିକରି ରୋଗୀମାନକର ସାଙ୍ଗେ ଆଲୋଚନା କରିଛନ୍ । ତାର୍ପରେ ହୀରାକୁଦ୍ ଆର୍ ବୁର୍ଲା ହସ୍ପିଟାଲ୍ ଯାଇକରି ସେଠାନ୍ ରୋଗୀମାନକର ସ୍ବାସ୍ଥ୍ୟ ଅବସ୍ଥା ପର୍ରେଇକରି

ବୁଝିବାର ସହେତେ ଦରକାରୀ ଚିକିତ୍ସା ଯୁଗେଇଦେବାର
ଲାଗି ଡାକ୍ତରମାନଙ୍କୁ ପରାମର୍ଶ ଦେଇଛନ୍ । ଇନ ଜନେଇ
ଦିଆଯାଇପାରେ ଯେ, ଆଏଜ୍ ଆଉ ଝନେ ନୂଆଁ ଆକ୍ରାନ୍ତ
ଚିହ୍ନଟ୍ ହେବାର ଉତ୍ତରୁ ଆକ୍ରାନ୍ତଙ୍କର ସଂଖ୍ୟା ଶହେ ୩୭କେ
ପୁହୁଁଚିହ୍ନେ ବଳି ସରକାରୀ ସୂତ୍ରକୁ ଜନାପଡ଼ିହେ ।

ଚୈତ୍ ପହିଲ୍ ମଙ୍ଗଲ୍‌ବାର ଆରଏନ୍‌ୟୁ/ କଟକ୍

ଆଏଜ୍ ଚୈତ୍ ମାସର ପହେଲା ମଙ୍ଗଲ୍‌ବାର । ଆଏଜ୍‌ଠାକୁ
ରାଜ୍ୟର ଭିନ୍ ଭିନ୍ ଦେବୀ ପୀଠମାନଙ୍କେ ଚୈତ୍ ପୂଜା ମୁଲ୍
ହେଇଛେ । ଗଞ୍ଜାମ୍ ଜିଲ୍ଲାର ପରୁହାଁ ଦେବୀ ମା
ତାରାତାରିଣୀଙ୍କର ପୀଠ ନ ଆଏଜ୍ ଚୈତ୍ ପହିଲ୍
ମଙ୍ଗଲ୍‌ବାର ଯାତ୍ରା ହେଇଯାଇଛେ । ହଜାର ହଜାର ଶ୍ରଦ୍ଧାଲୁ
ମାଙ୍କର ପୀଠ ନ ଠୋଲ୍ ହେଇକରି ପୂଜାଅର୍ଚ୍ଚନା କରିଛନ୍ ।
ସେତା କାକଟପୁରର ଇଷ୍ଟଦେବୀ ମା ମଙ୍ଗଳା
ରାଜରାଜେଶ୍ୱରୀ ବେଶଥ୍ ଆଏଜ୍ ଶ୍ରଦ୍ଧାଲୁମାନଙ୍କେ ଦର୍ଶନ୍
ଦେଇଛନ୍ । ପରମ୍ପରା ଅନ୍‌ସାରେ କାକଟପୁରବାସିନୀ ମା
ମଙ୍ଗଳାଙ୍କର ପୀଠ ନ ଧୁମ୍‌ଧାମ୍‌ଥ୍ ଝାମୁଯାତ୍ରା ଆର
ନେତ୍ରଉତ୍ସବ୍ ଚାଲିଛେ । ଆଝିର୍ ଦିନେ ମାଙ୍କର ମନ୍ଦିର୍ ନ
ନୂଆଁ ବାନା ବାନ୍ଧିବାର ବିଧି ରହିଛେ ।

ଆଏଜ୍ ଚୈତ୍ ମାସର୍ ପହିଲ୍ ମଙ୍ଗଲ୍‌ବାର୍ । ନୂଆପଡ଼ା ଜିଲ୍ଲା
ଗାଁଗଅଁଲି ନ ଆଏଜ୍ ଆମ୍ ନୂଆଖାଇ ପରବ୍ ପାଲନ୍
କରାଯାଇଛେ । ରତୁର୍ ନୂଆଁ ଫଲ୍‌ପୁଲ୍- ଆମ୍, ଫଲ୍‌ସା,
ସର୍ଗି, ମହୁଲ୍, ଚାର୍ ଆର୍ କେନ୍ଦୁ ଦେ'ଦେବ୍‌ତାଙ୍କୁ ଭୋଗ୍
ଲଗାଯାଇଛେ । ଆଘର୍ ପରମ୍ପରା ହିସାବେ ପହେଲା
ଫଲ୍‌ମୂଲ୍‌କେ ମାହାପୁରୁମାନ୍‌କୁ ଅର୍ପଣ୍ କରବାର୍ ଉତ୍ତରୁ
ଲୁକେ ଖାଇଥିସନ୍ । ଇତାକେ ଆମ୍ ନୂଆଖାଇ ଭିଲ୍
କୁହାଯାଏସି ।

ପାଣିପାଗ ଆର୍‌ଏନ୍‌ୟୁ/ କଟକ୍

ଗଲା ୨୪ ଘଂଟା ଭିତ୍ରେ ରାଜ୍ୟର୍ କେତେଟା ଜାଗା ନ
ହାଲ୍‌କା ନୁ ମଧ୍ୟମ୍ ଧରଣର ବର୍ଷା ହେଇଯାଇଛେ । ମୟୂରଭଞ୍ଜ୍
ଜିଲ୍ଲାର୍ ଚନ୍ଦୁଆ ନ ସବୁନୁ ଜହ ୯୬ ମିଲିମିଟର୍ ବର୍ଷା ରେକର୍ଡ୍
କରାଯାଇଛେ । ଆଏବା ୨୪ ଘଂଟା ଭିତ୍ରେ ନୂଆପଡ଼ା
ସହେତେ ରାଜ୍ୟର୍ କେତେ ଇଲାକା ନ ସାମାଏନ୍ ନୁ ମଧ୍ୟମ୍
ଧରଣ୍‌ର ବର୍ଷା କି ଘଡ଼ଘଡ଼ି ସହେତେ ବର୍ଷା ହେବାର୍ ସମ୍ଭାବନା
ରହିଛେ ବଲି ଭୁବ୍‌ନେଶ୍ୱର୍ ଆଂଚଲିକ୍ ପାଣିପାଗ୍ କେନ୍ଦ୍ର ତରଫୁ
ଅନୁମାନ୍ କରାଯାଇଛେ ।

ସେଆଡ଼େ ରାଏଜେ ଆଏଜ୍ ତାତି ଟିକେ କମିଛେ । ପଶ୍ଚିମ
ଓଡ଼ିଶାର ସବୁ ଇଲାକାର ତାତି ୩୭ ଡିଗ୍ରୀକୁ କମ୍ ରହିଛେ ।
ଭୁବନେଶ୍ୱର ପାଣିପାଗ ବିଜ୍ଞାନ କେନ୍ଦ୍ର ତରଫୁ ମିଳିଥିବା ସୂଚନା
ଅନୁସାରେ ଆଏଜ୍ ଦିନର ତାତି ପଶ୍ଚିମ ଓଡ଼ିଶାର ବଲାଙ୍ଗିର ନ
୩୭ ଦଶମିକ୍ ୩, ଭବାନୀପାଟଣା ଆର ବୌଦ୍ଧ ୩୭,
ସୋନପୁର ୩୬ ଦଶମିକ୍ ୯, ସୁନ୍ଦରଗଡ଼ ୩୬ ଦଶମିକ୍ ୫,
ଝାରସୁଗୁଡ଼ା ନ ୩୬ ଦଶମିକ୍ ୨, ସମ୍ବଲପୁର ୩୬ , ବରଗଡ଼
ନ ୩୪ ଦଶମିକ୍ ୮, ନୂଆପଡ଼ା ନ ୩୪ ଦଶମିକ୍ ୪, ଆର
ଦେବଗଡ଼ ନ ୩୩ ଦଶମିକ୍ ୪ ଡିଗ୍ରୀ ସେଲ୍‌ସିଅସ୍ ରେକର୍ଡ଼
କରାଯାଇଛେ ।